



Tužilaštvo - Tužiteljstvo Bosne i Hercegovine  
Тужилаштво Босне и Херцеговине

**Broj: T20 0 KT 0025924 24**  
**Sarajevo, 18.11.2025. godine**

**SUD BOSNE I HERCEGOVINE**  
**- Sudiji za prethodno saslušanje -**  
**SARAJEVO**

*Na osnovu člana 35. stav 2. tačka i), člana 226. stav 1. i člana 227. Zakona o krivičnom postupku Bosne i Hercegovine, p o d i ž e m*

**O P T U Ź N I C U**

**Protiv:**

***Keć Muhameda, rođen 1995. godine u Sarajevu, državljanin BiH.***

**što je:**

*Dana 13.08.2024. godine oko 17,00 časova, u namjeri sticanja protivpravne imovinske koristi po prethodnom dogovoru sa njemu poznatom osobom koja mu je platila iznos od 300,00 Eura izvršio prihvrat pet osoba afroazijskog porijekla na području Opštine Ilidža, te ih smjestio u vozilo marke „Hyundai“, reg.ozn. ..., vlasništvo ... „(...)“, te u namjeri da istima omogući nezakonit prelazak granice iz BiH u R Hrvatsku, ista lica povezao prema državnoj granici između Bosne i Hercegovine i Republike Hrvatske, na koji način je postupio protivno odredbi člana 6. Protokola protiv krijumčarenja migranata kopnenim, morskim i vazдушnim putem kojim se dopunjuje Konvencija UN-a protiv transnacionalnog organizovanog kriminala („Službeni glasnik BiH“, broj: 37/02) za nezakonit prelazak sa teritorije BiH na teritoriju R Hrvatske, na mjestu koje nije predviđeno za prelazak državne granice, što je protivno odredbi člana 7. stav 2. Zakona o graničnoj kontroli („Službeni glasnik BiH“, broj: 53/09, 54/10 i 47/14), iako je znao i bio svjestan da isti ne ispunjavaju uslove za zakonit prelazak državne granice usljed nedostatka putnih isprava sa važećim vizama, te dozvola za ulazak u zemlje Evropske Unije, odnosno da u tim državama nemaju odobren boravak ili prebivalište, kako je to propisano članom 8. stav 1. Zakona o strancima („Službeni glasnik BiH“, broj: 88/15 i*

24/21), da bi isti dana 13.08.2024. godine oko 21,10 časova u mjestu Orahova bio zaustavljen i kontrolisan od strane policijskih službenika PU Gradiška kojom prilikom su u navedenom vozilu zatečeno pet osoba:

1. „(...)“
2. „(...)“
3. „(...)“
4. „(...)“
5. „(...)“

koji policijski službenici su njega i prevožene migrante priveli u PU Gradiška.

**Dakle**, u namjeri sticanja protivpravne imovinske koristi, pokušao omogućiti prelazak pet lica preko državne granice, koja lica nisu ispunjavala uslove za zakonit prelazak granice sa teritorije BiH na teritoriju R Hrvatske, na mjestu koje nije predviđeno za zakonit prelazak državne granice,

**Čime je** počinio krivično djelo Krijumčarenje lica iz člana 189. stav 1. KZ BiH u vezi sa članom 26. KZ BiH.

TUŽILAC  
TUŽILAŠTVA/TUŽITELJSTVA BiH